

Na osnovu člana 47. stav 2. alineja druga Zakona o prostornom uređenju ("Službene novine Kantona Sarajevo", broj 7/05)) i člana 36. Statuta Općine Ilidža ("Službene novine Kantona Sarajevo", broj 5/98), Općinsko vijeće Ilidža, na 8. redovnoj sjednici održanoj 29. oktobra 2009. godine donijelo je

ODLUKU

O USVAJANJU IZMJENA I DOPUNA REGULACIONOG PLANA "BUTMIR"

Član 1.

Usvajaju se Izmjene i dopune Regulacionog plana "Butmir" (u daljnjem tekstu: Plan).

Član 2.

Plan se sastoji od tekstualnog i grafičkog dijela.

Tekstualni dio sadrži:

- Odluka o provođenju Izmjena i dopuna Regulacionog plana "Butmir"
- Tekstualni dio Plana.

Grafički dio sadrži:

A. - POSTOJEĆE STANJE

- | | |
|---------------------------------|--------|
| 1. Izvod iz Urbanističkog plana | 1:5000 |
| 2. Ažurna geodetska podloga | 1:1000 |
| 3. Postojeće stanje | 1:1000 |
| 4. Posjedovno stanje | 1:1000 |

B. PROJEKCIJA RAZVOJA

- | | |
|--|--------|
| 5. Odnos prema postojećem građevinskom fondu | 1:1000 |
| 6. Namjena površina | 1:1000 |
| 7. Namjena, razmještaj i spratnost objekata | 1:1000 |
| 8. Mreža građevinskih i regulacionih linija | 1:1000 |

Član 3.

Po jedan primjerak ovjerenog elaborata nalazi se na stalnom javnom uvidu i čuva se u službi dokumentacije Općine Ilidža i Zavodu za planiranje razvoja Kantona Sarajevo.

Član 4.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-2085/09-2
29. oktobra 2009. godine
Ilidža

Predsjedavajući
Dr. Smiljana Viteškić, s. r.



Na osnovu člana 47. stav 2. alineja druga Zakona o prostornom uređenju ("Službene novine Kantona Sarajevo", broj 7/05) i člana 36. Statuta Općine Ilidža ("Službene novine Kantona Sarajevo", broj 5/98), Općinsko vijeće Ilidža, na 8. redovnoj sjednici održanoj 29. oktobra 2009. godine donijelo je

ODLUKU

O PROVOĐENJU IZMJENA I DOPUNA REGULACIONOG PLANA "BUTMIR"

Član 1.

Ovom Odlukom utvrđuje se provođenje Izmjena i dopuna Regulacionog plana "Butmir" (u daljnjem tekstu: Plan), a naročito: granice prostorne cjeline i granice površina namjena, urbanističko-tehnički uslovi za izgradnju građevina, uređenje rijeke Tilava i uređenje građevinskog zemljišta, uređenje zelenih i slobodnih površina, te odnos prema postojećim objektima kao i djelatnosti i uslovi pod kojima se pojedine djelatnosti mogu obavljati u planiranom prostoru.

Član 2.

Granica obuhvata plana polazi od tromede parcela k.č. 251/1, 258/3 i 1665/1 (Butmirska ulica), ide na sjeveroistok sjeverozapadnim međama parcela k.č. 258/3, 258/1, 254/1, 252, 253, 248/8 i 248/9 (obuhvata ih) i dolazi do tromede parcela k.č. 248/1, 248/9 i 248/10, lomi se idući na jugoistok sjeveroistočnom međom parcele k.č. 248/9 (obuhvata je) i dolazi do tromede parcela k.č. 242 (put), 248/5 i 248/9, produžava na jugoistok idući u pravoj liniji sijekuci parcele k.č. 242 (put) i 241 i dolazi do tromede parcela k.č. 228, 489/1 i 241, produžava na jugoistok idući međom parcele 289/1 (obuhvata je) i dolazi na njen sjeveroistočni rub, produžava na jugoistok sijekuci u pravoj liniji parcelu k.č. 241 te dolazi do tromede parcela k.č. 228, 489/1 i 241, nastavlja na jugoistok idući međom parcele k.č. 489/1 (obuhvata je) te dolazi do tromede parcela k.č. 1666 (put), 489/1 i 228, ide u pravoj liniji na istok sijekuci parcele k.č. 1666 (put), 490, 499 i 514/2 te dolazi do tromede parcela k.č. 940/4, 540/2 i 514/2, ide na istok sjevernom međom parcele k.č. 540/2 (obuhvata je) i dolazi na njen sjeveroistočni rub, produžava u pravoj liniji na jugoistok sijekuci parcele k.č. 541, 542, 543, 544, 555, 564/1, 568/2, 568/1, 567, 569/3, 570, 571, 572/1, 573, 574, 575, 576, 577, 581/1, 215/3, 582/1 i 1667 (put) te dolazi do tromede parcela k.č. 735, 737 i 1667 (put), produžava na jugoistok idući u pravoj liniji sijekuci parcele k.č. 737, 738, 740/1, 740/2, 740/3, 740/4, 740/5, 741 i 742 te dolazi do tačke broj 1 koja se nalazi na medi između parcela k.č. 742 i 743 udaljenoj od tromede parcela k.č. 742, 743 i 1668/1 15 m, produžava na jugozapad idući međom između parcela k.č. 742 i 743 presjeca put k.č. 1668/1 te nastavlja na jugozapad idući međama parcela k.č. 763/2 i 763/5 (obuhvata ih) presjeca Butmirski potok i nastavlja u pravcu juga idući međama parcela k.č. 1163/2, 1163/3 i 1163/4 (obuhvata ih) presjeca put k.č. 1164/2 te nastavlja u pravcu jugozapada idući međama parcela k.č. 1165/3, 1170/1, 1179/1, 1182/2 i 1182/1 (obuhvata ih) presjeca Ulicu 13. Juli k.č. 1671 te dolazi do tromede parcela k.č. 1214/1, 1214/2 i 1671 (put), produžava na sjeverozapad idući uz planiranu trasu puta k.č. 1671 kojeg obuhvata, skreće na jugozapad idući uz planiranu trasu puta k.č. 1672 kojeg takode obuhvata i dolazi do potoka Tilava k.č. 1657 kojim uzvodno produžava na istok (ne obuhvata ga) u dužini od 50 m, skreće na jugozapad idući u pravoj liniji sijekuci parcele k.č. 1455, 1456, 1457/1 i 1458/1 te dolazi do tačke broj 2 koja se nalazi na medi između parcela k.č. 1458/1 i 1747 udaljenoj od tromede parcela k.č. 1458/1, 1458/2 i 1747 15 m, ide na sjeverozapad međama parcela k.č. 1458/1 i 1458/2 (obuhvata ih), skreće u pravcu juga te jugozapada idući uz trasu puta k.č. 1731 te dolazi do njenog raskršća sa trasom projektovanog puta koji tangira naselje "Butmir" sa njegove jugozapadne strane, lomi se idući na sjeverozapad uz trasu projektovanog puta kojeg obuhvata a koji ide preko parcela k.č. 1732/2, 1732/3, 1587, 1586/1, 1585/3,

298/2 i 288/1 te dolazi do njegovog raskršća sa putem Butmir - Sokolovići - Hrasnica kojim produžava na sjeveroistok te sjeverozapad (obuhvata njegovu trasu) i dolazi do tačke broj 3 koja se nalazi na parceli k.č. 273 udaljenoj od sjeveroistočnog ishodišta lista R = 1:1000 broj 294 po y = 289 a po x = 17,5 m, lomi se idući na sjeveroistok sijekuci u pravoj liniji put Butmir - Sokolovići - Hrasnica te parcele k.č. 273 i 1665/1 (Butmirska ulica) te dolazi do tromede parcela k.č. 1665/1 (put), 251/1 i 258/3 odnosno tromede odakle je opis granice prostornog obuhvata Butmir i počeo.

Sve naprijed navedene parcele nalaze se u K.O. Butmir.

Ukupna površina obuhvata iznosi 116,19 ha.

Član 3.

U sklopu obuhvata ovog plana definisane su zone sa sljedećim namjenama:

- Zona individualnog stanovanja 69,04 ha
- Zona stanovanja sa centalnim sadržajima na nivou mjesne zajednice 8,11 ha
- Zona objekata društvene infrastrukture 1,03 ha
- Zona poljoprivrednog oglednog dobra 0,35 ha
- Zona zaštitnog pojasa Međunarodnog aerodroma Sarajevo 19,30 ha
- Zona grobalja 0,48 ha
- Zona vodenih tokova 1,25 ha
- Zona saobraćajnih i javnih površina 16,63 ha

Član 4.

Izgradnja građevina i drugi zahvati u prostoru na području obuhvata Plana vršit će se na osnovu uslova utvrđenih u Planu.

Član 5.

Urbanističko-tehnički uvjeti za izgradnju građevina i uređenje građevinskih parcela:

- Građevinske parcele utvrđene su regulacionom linijom i definisane su u grafičkom dijelu Plana i separatu Analitička obrada građevinskih parcela.
- Građevinska linija utvrđuje graničnu liniju objekata u odnosu na javnu površinu i ujedno označava liniju iskoličenja. Unutar građevinskih linija investitor je slobodan da definiše tlocrt građevina u ovisnosti od potreba i želja. Građevinska linija se ne može preći ni nijednim dijelom građevine.
- Unutar površine koju ograničavaju regulacione linije moguće je uspostavljanje novih regulacionih linija u cilju grupisanja dvije ili više planiranih parcela u zavisnosti od potreba potencijalnih investitora uz obavezno poštovanje utvrđene građevinske linije prema saobraćajnicama.
- Građevinska parcela mora imati trajan pristup na ulicu, odnosno javni put, kao i mogućnost priključenja na komunalnu infrastrukturu.
- Spratnost i odstojanje građevinskih linija utvrđeni su Planom i ne mogu se mijenjati.
- Podrumi i sutereni se mogu realizovati kod izgradnje svih građevina, pod uslovom da se obezbijede odgovarajuće tehničke mjere u cilju zaštite od podzemnih i površinskih voda.
- Nivelacione kote prizemlja objekata u odnosu na saobraćajnicu - ulicu utvrdit će se na osnovu nivelacionih kota saobraćajnica datih u Planu.
- Nivelete pješačkih saobraćajnica kao i prilazi i ulazi u građevine moraju biti isprojektovane i izvedene prema Uredbi o urbanističko-tehničkim uvjetima, prostornim standardima i normativima za otklanjanje i sprječavanje stvaranja arhitektonsko-urbanističkih barijera za kretanje invalidnih lica koja koriste tehnička i ortopedska pomagala ("Službene novine Kantona Sarajevo", broj 5/00).
- Koeficijent izgrađenosti utvrđen je i prezentiran u tekstualnom obrazloženju Plana.

- Priključenje na javni put i mrežu instalacija treba u svakom konkretnom slučaju posebno projektovati u skladu sa Planom.
- Na građevinskim parcelama, predviđenim za izgradnju individualnih stambenih objekata moguće je odobriti izgradnju pomoćnih objekata (garža, šupa, ljetna kuhinja i sl.) ukoliko to prostorne mogućnosti dozvoljavaju.
- Sve građevine, predviđene ovim Planom, u arhitektonskom smislu oblikovati i graditi od savremenih i tradicionalnih materijala.

Član 6.

Uređenje građevinskog zemljišta se mora izvesti u obimu i na način kako je predviđeno Planom.

Izgradnja građevina se ne može započeti bez prethodnog minimalnog uređenja građevinskog zemljišta, što podrazumijeva obezbjeđenje adekvatnog saobraćajnog pristupa parceli, priključenje na vodovodnu, kanalizacionu i elektroenergetsku mrežu, eventualno izmještanje vodova komunalne infrastrukture.

Izgradnja građevina u obuhvatu Plana ne može započeti prije uklanjanja objekata predviđenih za rušenje.

Privremeno korištenje građevinskog zemljišta koje nije privedeno krajnjoj namjeni se ne može odobriti.

Član 7.

Urbanističko tehnički uslovi za izgradnju građevina na građevinskim parcelama oznake I, II, III, IV, V, VI, VII, VIII:

- Moguća je izgradnja građevina namjene stambeno-poslovne, s tim da sadržaji u poslovnom dijelu objekata moraju biti u funkciji komercijalnih i društvenih sadržaja na nivou mjesne zajednice sa posebnim akcentom na sadržajima iz oblasti kulture.
- Maksimalna spratnost objekata P+3.
- Podzemne etaže se mogu koristiti za garažiranje vozila.
- Za rješavanje saobraćaja u mirovanju treba primijeniti slijedeće odnose:

1 stan - 1,1 parking mjesto,

za administraciju - 1 parking mjesto na 30 m² BGP,

za komercijalne djelatnosti - 1 parking mjesto na 60 m² BGP.

Član 8.

Intervencije na postojećim objektima:

- Za postojeće objekte koji se ovim Planom zadržavaju, predviđena je mogućnost rekonstrukcije, redizajna, dogradnje i nadogradnje na osnovu idejnog projekta, urbanističkog rješenja građevinske parcele i dostavljenog geoinžinjerskog izvještaja.
- Postojeći objekti koji se zadržavaju ovim Planom, mogu se rekonstruisati, sanirati, redizajnirati, dograditi ili nadzidati, kako za potrebe stanovanja, tako i za potrebe dobivanja poslovnog prostora u kojem se mogu obavljati samo djelatnosti koje ne ugrožavaju čovjekovu okolinu i standard života u susjednim zgradama. Ovi zahvati mogu se odobriti ukoliko ne pogoršavaju uvjete stanovanja u susjednim zgradama od kojih su udaljeni min. 6 m.
- Nadzidivanje postojećih objekata može se dozvoliti pod sljedećim uvjetima:
 - objekat na kojem se vrši nadzidivanje mora zadovoljiti konstruktivno-seizmičke uvjete,
 - maksimalna spratnost iznosi P2.
- Za objekte koji su izgrađeni bez odgovarajućih saglasnosti, a ovim Planom su predviđeni za rušenje u svrhu realizacije naseljske saobraćajne mreže, kao i objekti koje ruši planirana namjena, naknadna urbanistička saglasnost se ne može odobriti, izuzev tekućeg održavanja.
- Za rješavanje statusa postojećih objekata izgrađenih bez odgovarajućih saglasnosti, koji se nalaze u vodoprivrednom pojasu ili su u direktnoj koliziji sa projektovanim regulacijom rijeke Tilava, obavezno je

prethodno pribavljanje saglasnosti "Agencije za vodno područje rijeke Save".

- Naznačene intervencije na postojećim objektima koji su u grafičkom prilogu br. 7 "Urbanističko rješenje" označeni kao objekti kulturno-historijskog naslijeđa treba poštovati.

Član 9.

Zaštićena zona Međunarodnog aerodroma Sarajevo:

- Granica Osnovne staze (strip) nalazi se na udaljenosti od 200 m od osovine uzletno-sletne staze (označena i kotirana na grafičkom prilogu plana br.7 - Urbanističko rješenje), a sukladno Aneksu 14 Međunarodne organizacije za civilno zrakoplovstvo (ICAO) i Pravilnika o projektovanju, rekonstrukciji i izgradnji aerodroma (Službeni list broj 2/66), zabranjen je svaki oblik visoke i niske gradnje u ovoj zoni.
- Zaštićena zona Međunarodnog aerodroma Sarajevo iznosi 375 m mjerena od osovine uzletno-sletne staze, (označena i kotirana na grafičkom prilogu plana br.7 - Urbanističko rješenje).
- U pojasu širine 175 m, koji je definisan jugozapadno od linije određene tačkama A i B (grafički prilog br. 7 - Urbanističko rješenje), ispod ravni nagiba 14.3 % koja se u odnosu na duž AB penje prema jugozapadu, postojeći objekti se zadržavaju uz mogućnost rekonstrukcije, dogradnje i nadogradnje. Za ove i 12 planiranih objekata prije izdavanja urbanističke saglasnosti investitor je dužan pribaviti saglasnost na projektnu dokumentaciju od Direkcije za civilno zrakoplovstvo Bosne i Hercegovine.
- Svi objekti ne smiju probijati zaštićene ravni definisane Aneksom 14 i Pravilnikom o projektovanju, rekonstrukciji i izgradnji aerodroma (Službeni list broj 2/66).
- Na objektima i okolini se ne smiju nalaziti veće kose ili horizontalne staklene, neobojene uglačane metalne površine koje bi refleksijom okolišnog prirodnog ili vještačkog svjetla zbog zablještenja mogle dovesti vodu zrakoplova u zabunu.
- Osvjetljenje okoline objekata, eventualna bijela rasvjeta na objektima i u okolini objekata moraju biti usmjerena prema dole, kako ne bi izazvala zabunu vode zrakoplova. Osvjetljenje koje potiče od emitirajućih ili reflektujućih reklamnih panoa na i u neposrednoj okolini objekata, moraju biti postavljena tako da ista nisu vidljiva od strane vode zrakoplova u pravcu 120, odnosno ograničeni električnom snagom rasvjetnih tijela na 2000 W, uz pretpostavljenu svjetlosnu efikasnost od 15% i srednju reflektivnost podloge panoa od 18% ("nivo sivog").
- Prilikom izgradnje objekata, investitor i izvođač radova su obavezni da adekvatno označe (crvene zastavice za dnevno označavanje i crvena svjetla za noćno označavanje) sve objekte koji služe za pomoć pri izgradnji objekta (kranovi) i da o tome obavijeste Direkciju za civilno zrakoplovstvo BiH.
- Korisnici, vlasnici i investitori se upozoravaju na mogućnost štetnog uticaja buke, vibracija i ostalih štetnih uticaja od zrakoplova, te po tome osnovu ne mogu postaviti oštetne zahtjeve prema Direkciji za civilno zrakoplovstvo BiH.
- U pojasu širine 175 m, koji je definisan jugozapadno od linije određene tačkama A i B (grafički prilog br. 7 - Urbanističko rješenje), moguća je sadnja visokih stablašica maksimalne visine 8 m.

Član 10.

Parkiranje i garažiranje vozila za potrebe individualnog stanovanja mora se izvršiti na parceli koja pripada stambenom objektu.

Garaža se može na parceli locirati u sklopu stambenog objekta odnosno u okviru zadate građevinske linije. Objekti garaže mogu biti samo prizemni.

Broj parking mjesta na pripadajućoj parceli treba odgovoriti odnosu jedan stan jedno parking mjesto, odnosno parkiranje u okviru parcele kapaciteta potrebnog za određenu namjenu objekta.

Član 11.

Izgradnja i postavljanje objekata privremenog karaktera može se odobriti samo za potrebe izgradnje arhitektonskih objekata, objekata komunalne infrastrukture i saobraćajnica koji su u funkciji gradilišta unutar obuhvata ovog Plana i koji se moraju ukloniti nakon završetka radova.

Član 12.

Saglasnost za ograđivanje individualnih građevinskih parcela može se izdati pod uslovom daje ograda transparentna, ne prelazi visinu 1.20 m i ne ulazi u prostor trokuta preglednosti na raskrsnicama naseljskih saobraćajnica.

Poželjno je da se ograđivanje izvrši primjenom "žive ograde" ili u kombinaciji iste sa fiksnim dijelovima.

Član 13.

U trokutu preglednosti saobraćajnica se ne može odobriti postavljanje reklamnih panoa, stubova i građevina, koje mogu ugroziti normalno odvijanje saobraćaja.

Član 14.

U poslovnim prostorima mogu se obavljati sve djelatnosti koje ne ugrožavaju prirodnu sredinu i okoliš, koje ne remete korištenje susjednih građevina i sadržaja. Građevine moraju biti izgrađene prema važećim propisima za djelatnosti koje se u njima obavljaju.

Član 15.

Ovim Planom su planirane sljedeće kategorije zelenila:

1. uređene zelene površine oko javnih objekata i prostora
2. voćnjaci i uređene okućnice
3. voćnjaci i bašte sa utvrđenom prirodnom vrijednosti

Površine utvrđene kao neke od ovih kategorija ne mogu se koristiti za druge namjene, a niti se mogu graditi objekti koji nisu u skladu sa funkcijom koju ta kategorija zelenila treba da ostvari. Posebno je potrebno štititi voćnjake i bašte sa utvrđenom prirodnom vrijednosti.

Izgradnja i uređenje zelenih površina vrši se u skladu sa dokumentacijom urađenom na osnovu Idejnog rješenja hortikulture, koja je sastavni dio Plana.

Član 16.

Kod izrade tehničke dokumentacije i realizacije svih stambenih, stambeno-poslovnih, poslovnih i ostalih objekata, primjenjene konstrukcije moraju biti dimenzionirane za pojavu zemljotresa min. 8° MCS skale.

Član 17.

Uslovi za sklanjanje stanovništva i materijalnih dobara moraju biti obezbijeđeni u skladu sa odredbama Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03) i odredbama Uredbe o mjerilima, kriterijima i načinu izgradnje skloništa i tehničkim normativima za kontrolu ispravnosti skloništa ("Službene novine Federacije BiH", broj 21/05).

Član 18.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-2085/09-2
29. oktobra 2009. godine
Ilidža

Predsjedavajuća
Dr. Smiljana Viteškić, s. r.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06, 51/09) i člana 120. Statuta Općine Ilidža ("Službene novine Kantona Sarajevo", broj 5/98), na prijedlog Komisije za budžet, privredu, finansije i ekonomska pitanja, Općinsko vijeće Ilidža, na 8. redovnoj sjednici, održanoj 29. oktobra 2009. godine donijelo je

ODLUKU

**O KRITERIJIMA, NAČINU I POSTUPKU RASPODJELE
BUDŽETSKIH SREDSTAVA OPĆINE ILIDŽA IZ
GRANTOVA ZA PROJEKTE U OBLASTI SPORTA,
KULTURE I OBRAZOVANJA**

POGLAVLJE I. OPĆE ODREDBE

Član 1.

(Predmet Odluke)

Ovom Odlukom se utvrđuju kriteriji, način i postupak raspodjele budžetskih sredstava Općine Ilidža iz grantova za projekte u oblasti sporta, kulture i obrazovanja.

Član 2.

(Aplikanti)

- (1) Sredstva iz člana 1. ove Odluke se dodjeljuju udruženjima, fondacijama, klubovima, sportskim društvima i javnim ustanovama čiji je osnivač Općina Ilidža (u daljnjem tekstu: aplikant) koji su registrovani u Bosni i Hercegovini, imaju sjedište na području općine Ilidža, za projekte koji se realizuju u interesu i na području općine Ilidža.
- (2) Sredstva se mogu dodijeliti i subjektima iz stava 1. ovog člana čije je sjedište na teritoriji druge općine, pod uslovom da se projekat kojim se aplicira realizuje u interesu općine i u potpunosti na području općine Ilidža.

POGLAVLJE II. JAVNI POZIV

Član 3.

(Objavljivanje javnog poziva)

- (1) Sredstva se dodjeljuju na osnovu Javnog poziva koji objavljuje Općinski načelnik na prijedlog Službe za obrazovanje, kulturu, sport i informisanje.
- (2) Javni poziv za raspodjelu sredstava iz člana 1. ove Odluke se objavljuje u sredstvima informisanja i na zvaničnoj web stranici općine Ilidža najkasnije 15 dana od dana stupanja na snagu Budžeta općine Ilidža za tekuću godinu.
- (3) Javni poziv za raspodjelu sredstava traje 30 dana od dana objavljivanja u sredstvima informisanja.

Član 4.

(Komisija za odabir projekata)

- (1) Odabir projekata za finansiranje iz budžeta Općine vrši Komisija za odabir projekata iz oblasti sporta, kulture i obrazovanja (u daljem tekstu: Komisija) koju imenuje općinski načelnik.
- (2) Komisija ima predsjednika i četiri člana.
- (3) Tri člana Komisije se imenuju iz reda državnih službenika i namještenika Službe za obrazovanje, kulturu, sport i informisanje, jedan član iz reda državnih službenika Službe za finansije i jedan član Komisije iz reda članova Savjetodavnog odbora mladih Općine Ilidža.
- (4) Stručne i administrativno - tehničke poslove za potrebe Komisije obavljat će Služba za obrazovanje, kulturu, sport i informisanje.

POGLAVLJE III. PROJEKTI PO OBLASTIMA

Član 5.

(Projekti u oblasti sporta)

Sredstva iz člana 1. ove Odluke raspoređuju se iz granta za projekte u oblasti sporta aplikantima čiji se projekti odnose na: